

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
প্রশাসন-০২ (সেবা)
www.moedu.gov.bd

বিষয় : জাতীয় শিক্ষা সপ্তাহ ২০১৭ উদযাপনের লক্ষ্যে ১৮-০১-২০১৭ তারিখে অনুষ্ঠিত প্রস্তুতিমূলক সভার কার্যবিবরণী।

সভাপতি : মো: সোহরাব হোসাইন, সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়।
সভার তারিখ : ১৮-০১-২০১৭ খ্রিস্টাব্দ
সময় : সকাল ১০:৩০ মিনিট
স্থান : শিক্ষা মন্ত্রণালয়ের সভাকক্ষ (কক্ষ নং-১৮১৫, ভবন নং-৬, বাংলাদেশ সচিবালয়, ঢাকা)।

সভায় উপস্থিতি: 'পরিশিষ্ট-ক'-তে সংযুক্ত।

২.০ সভাপতি উপস্থিত সকলকে স্বাগত জানিয়ে সভার কাজ শুরু করেন। “জাতীয় শিক্ষা সপ্তাহ ২০১৭” উদযাপন বিষয়ে তিনি মাধ্যমিক ও উচ্চ শিক্ষা বিভাগের অতিরিক্ত সচিব (প্রশাসন ও অর্থ) ড. অরুণা বিশ্বাস-কে প্রণীত খসড়া নীতিমালার ওপর বক্তব্য প্রদানের আহ্বান জানান।

৩.০ অতিরিক্ত সচিব (প্রশাসন ও অর্থ) জানান, বিগত বছরে “জাতীয় শিক্ষা সপ্তাহ ২০১৬” এর পুরস্কার বিতরণী অনুষ্ঠান ২৮ মে ২০১৬ তারিখে ওসমানী স্মৃতি মিলনায়তনে আয়োজন করা হয়েছিল এবং এ অনুষ্ঠানে প্রধান অতিথি হিসেবে মহামান্য রাষ্ট্রপতি উপস্থিত ছিলেন। এ বছর শিক্ষা সপ্তাহ উদযাপনের উদ্যোগ গ্রহণ করা হচ্ছে। তিনি সভায় এতৎসংক্রান্ত একটি খসড়া নীতিমালা উপস্থাপন করেন।

৪.০ অতিরিক্ত সচিব (প্রশাসন ও অর্থ) আরও জানান, “জাতীয় শিক্ষা সপ্তাহ ২০১৭” উদযাপনের বিষয়ে শিক্ষা মন্ত্রণালয়ের বর্ষপঞ্জিতে উপজেলা পর্যায়, জেলা পর্যায়, বিভাগ/অঞ্চল পর্যায় এবং জাতীয় পর্যায়ে বিভিন্ন কর্মসূচির তারিখ নির্ধারণ করা আছে।


৫.০ সভায় “জাতীয় শিক্ষা সপ্তাহ ২০১৭”-এর বাজেট প্রণয়ন ছাড়াও “জাতীয় শিক্ষা সপ্তাহ ২০১৭”-এর জাতীয় কমিটিসহ বিভিন্ন উপকমিটি সংক্রান্ত বিস্তারিত আলোচনা হয়। “জাতীয় শিক্ষা সপ্তাহ নীতিমালা ২০১৭” অনুমোদিত হলে সে মোতাবেক পরবর্তী কার্যক্রম গ্রহণ করা যায় মর্মে সভায় মত প্রকাশ করা হয়।

৬.০ সভাপতি বলেন, “জাতীয় শিক্ষা সপ্তাহ নীতিমালা, শুধু ২০১৭ এর জন্য প্রণয়ন না করে একটি পূর্ণাঙ্গ নীতিমালা প্রণয়ন করা সমীচীন হবে। এ নীতিমালা প্রণয়নের লক্ষ্যে মাধ্যমিক ও উচ্চ শিক্ষা বিভাগের অতিরিক্ত সচিব জনাব মো: মহিউদ্দীন খান, যুগ্মসচিব (প্রশাসন) জনাব মো: আমিনুল ইসলাম খান এবং মাধ্যমিক ও উচ্চ শিক্ষা অধিদপ্তরের উপপরিচালক জনাব এস এম কামাল উদ্দিন হায়দার-এর সমন্বয়ে তিন সদস্য-বিশিষ্ট একটি কমিটি গঠন করা যায় মর্মে সভায় একমত পোষণ করা হয়।

৭.০ বিস্তারিত আলোচনান্তে “জাতীয় শিক্ষা সপ্তাহ ২০১৭” উদযাপনের লক্ষ্যে নিম্নোক্ত সিদ্ধান্ত গ্রহণ করা হয় :

৭.১ আলোচ্য নীতিমালাটি “জাতীয় শিক্ষা সপ্তাহ নীতিমালা” নামে অভিহিত হবে;

৭.২ “জাতীয় শিক্ষা সপ্তাহ নীতিমালা” প্রণয়নের লক্ষ্যে মাধ্যমিক ও উচ্চ শিক্ষা বিভাগের অতিরিক্ত সচিব জনাব মো: মহিউদ্দীন খান, যুগ্মসচিব (প্রশাসন) জনাব মো: আমিনুল ইসলাম খান এবং মাধ্যমিক ও উচ্চ শিক্ষা অধিদপ্তরের উপপরিচালক জনাব এস এম কামাল উদ্দিন হায়দার-এর সমন্বয়ে তিন সদস্য-বিশিষ্ট একটি কমিটি গঠন করা হবে এবং কমিটি ৩ (তিন) কার্যদিবসের মধ্যে নীতিমালাটি বিস্তারিত পর্যালোচনা করে একটি খসড়া নীতিমালা হিসেবে উপস্থাপন করবে;



- ৭.৩ উক্ত কমিটি জাতীয় শিক্ষা সপ্তাহ উদযাপন সংক্রান্ত বাজেট বিভাজন যাচাই-বাছাই করে প্রতিবেদনের সাথে দাখিল করবে।
- ৮.০ আর কোনো আলোচনা না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।


স্বাক্ষরিত/-
১৮.০১.২০১৭
(মো: সোহরাব হোসাইন)
সচিব

নং-৩৭.০০.০০০০.০৬২.০৪.০০৯.১৭৮০

তারিখ : ০৬ মাঘ ১৪২৩ বঙ্গাব্দ
১৯ জানুয়ারি ২০১৭ খ্রিস্টাব্দ

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো (জ্যেষ্ঠতার ক্রমানুসারে নয়):

- ১। অতিরিক্ত সচিব (সকল), মাধ্যমিক ও উচ্চ শিক্ষা বিভাগ/কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- ২। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা।
- ৩। মহাপরিচালক, কারিগরি শিক্ষা অধিদপ্তর, শেরেবাংলা নগর, ঢাকা।
- ৪। মহাপরিচালক, মাদ্রাসা শিক্ষা অধিদপ্তর, জাতীয় স্কাউট ভবন (১৪তম তলা), কাকরাইল, ঢাকা।
- ৫। যুগ্মসচিব (সকল), মাধ্যমিক ও উচ্চ শিক্ষা বিভাগ/কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- ৬। মাননীয় মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
- ৭। সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ৮। সিনিয়র সিস্টেম এনালিস্ট, শিক্ষা মন্ত্রণালয়, বাংলাদেশ সচিবালয়, ঢাকা।
[পত্রটি ওয়েব সাইটে প্রচার করার অনুরোধসহ]
- ৯। সচিব মহোদয়ের একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ১০। পরিচালক, কলেজ ও প্রশাসন, মাধ্যমিক উচ্চ শিক্ষা অধিদপ্তর, শিক্ষা ভবন, ঢাকা।
- ১১। পরিচালক, মাধ্যমিক, মাধ্যমিক উচ্চ শিক্ষা অধিদপ্তর, শিক্ষা ভবন, ঢাকা।
- ১২। সহকারী সচিব (সেবা), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।


১৯/০১/১৭
(মোঃ শামসুল আলম)
সহকারী সচিব (সেবা)
ফোন : ৯৫৫৮৫৫১